

Ս. ՍՊԱՆԴԱՐՅԱՆԻ ՆՈՐԱՀԱՅՏ ՀՈԴՎԱԾԸ

Սուրեն Սպանդարյանի գրական ժառանգության հավաքման ու հրատարակման ուղղու-
ղությունը մինչև այժմ մեծ աշխատանք է կատարվել: Այդ գործում խոշոր ավանդ ունի հատ-
կապես պրոֆեսոր Վ. Ա. Ավետիսյանը, որը ժամանակին կազմել ու խմբագրել է ականավոր
լինելույնի երկերի ժողովածուները: Այդուհանդերձ, Ս. Սպանդարյանի բոլոր երկերը չէ, որ
հայտնաբերված են և կասկած չկա, որ հետագա պրպատմանն ու հետազոտությունը կտան
նոր արդյունքներ:

Այժմ հրատարակում ենք Սուրեն Սպանդարյանի հոգվածներից մեկը, որը տպագրվել է
«Նոր դար» թերթի 1911 թ. հոկտեմբերի 24-ի համարում: Այն նվիրված է նրա հոր՝ Սպանդար
Սպանդարյանի դեմ դաշնակցականների հարուցած շարամիտ մեղադրանքի և զրպարտության
մերկացմանը:

1910 թ. օգոստոսին դաշնակցության կենտրոնական օրգան «Դրոշակում» տպագրվել էր մի
կեղծագիր, որի մեջ աղղարաբերվում էր, թե իբր «Նոր դար» խմբագիր Սպանդար
Սպանդարյանը 1904 թ. հունվար ամսից ցարական լրտես է, զաղտնագրված ու վարձակալված ոստի-
կանության կողմից¹:

Դաշնականների նպատակն էր վարկաբեկել թե՛ իրենց հակառակորդ պահպանողական Սպան-
դար Սպանդարյանին և թե՛ նրա որդի բոլշևիկ Սուրեն Սպանդարյանին, որն իրենց երիցս թըշ-
նամին էր: Դաշնականների նյութած ամբաստանագիրը տպագրվեց մի շարք թերթերում (հայերեն
ու ռուսերեն) և ստեղծվեց «աղմկալից գործ»:

Ուրիշ մոտիկից դիտելիս Սպանդար Սպանդարյանին, չէին կարող հավատալ դաշնակցա-
կան հերթականին: Բայց հարկավոր էր լայն հասարակությանը համոզել, որ զրպարտվում է
աղինվ մարդը: Ինքը՝ Սպանդար Սպանդարյանն անմիջապես հանդես եկավ դաշնակցության
ամբաստանագրի վճռական հերքումով և հայերեն ու ռուսերեն մի շարք թերթերում տպագրե-
վեցին նրա ելույթները: Նա գրում էր. «Դաշնակցության կուսակցության ամբողջ այդ ծանու-
ցումը, որով ինձ մեղադրում է զավանեություն, պրովոկատություն մեջ, քստմենլի և ճե-
շավոր զրպարտություն է և սուտ՝ քննադրված կուսակցական ընդամիությունից և կույր առե-
լությունից «դաշնակցական» շեֆերի կողմից դեպի իմ Երկաթաձյա ամբողջ գործունեությունը:
Նա պահանջում է կազմակերպել «հրապարակային դատ, որի առաջ հանդես պան ինձ ամբաս-
տանողներն իրենց «գրավոր անհերքելի փաստերով» և որտեղ կմերկացվի նրանց ամբողջ բա-
րոյական դեմքը և նրանց «փաստերի» ամբողջ ստույթությունը»:

Զնայած Սպանդար Սպանդարյանն արդեն ծեր էր և դտնվում էր նյութական ծանր վի-
ճակում, լայն կամպանիա սկսեց, ունեցավ բազմաթիվ բանավոր ու գրավոր ելույթներ և ապա
1910 թ. նոյեմբերին մեկնեց Փարիզ, որպեսզի կազմակերպի միջկուսակցական դատ և փաս-
տերով ապացույցի իր անմեղությունը, հրապարակայնորեն մերկացնի զրպարտիչներին:

Կոմունիստ Սուրեն Սպանդարյանը, իր հոր՝ ազգային-պահպանողական հոսանքի պարա-
զելի զաղափարական հակառակորդը լինելով հանդերձ, լիովին համոզված էր, որ նրա դեմ
հարուցված մեղադրանքը շինծու է: Պարզապես անբնական էր նրան անվտանգ ցարական լըր-
տես, որովհետև նա, թեկուզ իր (հայկական պահպանողության) դիրքերից, ցարիզմի
հակառակորդն էր և միշտ էլ պայքարել էր նրա բռնի ոտսացման ու հայահալած քաղաքա-
կանության դեմ, իսկ 1904 թ.² հակացարական ելույթների համար ձերբակալվել էր: Մյուս
կողմից, քանի որ հոր դեմ հարուցված այդ «գործը» ստանում էր հասարակական կա-
րեոր նշանակություն, Սուրեն Սպանդարյանը, ինչպես նաև բոլշևիկ այլ գործիչներ, ակտիվորեն
միջամտեցին զրպարտության մերկացմանը: Նրանք բանավոր և գրավոր կերպով հայ հասա-

¹ «Դրոշակ». 1910, № 5:

² «Նոր դար». 1883—1910, № 1:

րակութիւնը կող արին պարզել ողջ ճշմարտութիւնը և պատժել հանցավորին: Ահա, օրինակ, ինչ էին գրում Ս. Կասյանն ու Ռ. Քաթանյանը իրենց նամակ-հոգովածում («Պետք է աջակցել խորագրով»), որը տպագրվեց «Սուրհանդակ» թերթում: Այնտեղ շեշտվում էր, որ հասարակութիւնը չի կարող անտարբեր մնալ մի այդպիսի հարցում. «Երկուսից մեկը. կամ «Դրոշակի» հայտարարութիւնը ճշմարտութիւն է, հետեւապես, պ. Սպանդար Սպանդարյանը գաղտնի ոստիկանութիւնն ազենտ է, կամ պ. Սպանդարյանը անմեղ է, հետեւապես դաշնակցութիւնն կենտրոնական օրգանը՝ մի անգլուխ իրաւարտիւնների բանդա»: Շարունակելով նրանք նշում են. «Մենք, որպէս նոր սերնդի ներկայացուցիչներ, լինելով ամբողջ «հոգով և մարմնով» հակառակ պ. Սպանդար Սպանդարյանի, նրա դիտակցւածների և հետեւողների աշխարհայեցողութիւնը և ուղղութիւնը, կոչ ենք անում ամբողջ հասարակութիւնը՝ աջակցել և հնարավորութիւն տալ պ. Սպանդարյանին պատասխան տալու իր վրա բարդած սպանիչ մեղադրանքին»³:

Բնորոշ է, որ բոլշեիկների այդ դիմումը շուրջին տպագրել ո՛չ լիբերալ-կադետական «Նշակը» է. ո՛չ էլ դաշնակցական «Հորիզոնը», բայց այն արձագանք ունեցավ դեմոկրատական շրջաններում, մասնաւոր երբ այդ առթիւ Ս. Կասյանն ու Ռ. Քաթանյանը հանդես եկան նոր հոգովածով («Բաց նամակ հասարակութեան»)⁴:

Ն. Սպանդարյանը, անձամբ զբաղվելով հոր գործերով, նույնիսկ նախկին պատրաստեց՝ ուղղված ուսու հրապարակախոս վ. ի. Բուրցևին, որը, 1907 թ. մեկնելով արտասահման, հայտնի դարձավ որպէս ցարական պրովոկատորների մեղակցող: Ականավոր բոլշեիկի արխիւում պահվում է այդ նամակը, որը պատկերացում է տալիս, թե ինչպիսի հիմնավոր փաստարկումով էր հանդես գալիս նա. «Ես խորապէս ափսոսում եմ, որ հնարավորութիւն չունեմ մասնակցելու այդ դատավարութեանը, որպէսզի փաստերով ապացուցեմ այն ամբողջ կոպիտ միտախաբիւնքի, որի մէջ մտքել են պարոն մեղադրողները ամբողջ դատարանին»: Սպանդարյանը մեղադրում է նաև Բուրցևին, որի անունն օգտագործում են դաշնակցները, իսկ ինքը չի հերքում դա: Անցնելով բուն նյութին, նա ուղղակի գրում է. «Ո՛չ իմ հայրը, ո՛չ նրա ուղղութիւնը հասարակական-քաղաքական տեսակետից ոչ միայն կառավարութեան կողմից աջակցութիւն չէր հանդիպում, այլև միշտ հալածվում էր ամենադաժան կերպով... Արժեք միայն վերընթերցել իմ հոր թերթի դեմ «Новое время»-ի հարձակումները, արժեք միայն րրբերել ցենզուրային կոմիտեի արխիւները, արժեք միայն վերհիշել, որ իմ հոր կողմից առաջադրված կաթողիկոսական ու մի թեկնածուի երբեք չի հաստատել կառավարութեանը, որ հալածական եկեղեցիների ունեցվածքի գրավման ժամանակ դրա դեմ ակտիւ պայքար տարով իմ հայրը՝ իր թերթով, իսկ լիբերալները իրենց թերթում համակրանքով արտատպում էին «Кавказ»-ի պաշտոնական հոգովածը և այլն, և այլն, որպէսզի իսկույն հասկանալի լինի հակառակ պրենդումների ամբողջ կեղծութիւնը»⁵:

1911 թ. հունվարից Փարիզում սկսվեց Սպանդարյանի դործի նախաբանութիւնը և առաջին իսկ զրուցները պարզեցին, որ նա մեղավոր չէ: Այդ մասին յուրեք տպագրվեցին մամուլում: Թաւրիզում հրատարակվող «Ձանգ» շաբաթաթերթի 1911 թ. փետրվարի 16-ի առաջնորդում («Հ. Հ. Դաշնակցութիւնը և Սպանդարյանը» վերնագրով) ասված է. «Մենք ուրախ ենք հայ խմբագիր Սպանդարյանի հաղթութեամբ և կրկնակի ուրախ ենք սպարտութեամբ «Դրոշակի» կամ դաշնակցականների, որոնք մտրակը, սարսափն ու «տեւորը» մոնոպոլ արած, աչ ու ձախ շնչին պատրվակներով մատաղ ու անիոխարինելի կյանքեր են զոհարեում կրքերին... Մենք վստահ ենք, որ հայ հասարակութիւնը և ամբողջ մամուլ աշխարհը ևս ուրախ կլինեն հանրաժողի և շարամտարար արատավորվածի հաղթութեամբ և կեղծողների, ահաբեկիչների կոր ի գլուխ մնալով ու վարագուրված ճշմարտութեան երևան գալով... Ամոթ և անվերջ նախատինք գաղափարական հակառակորդների դեմ անազնվութեամբ կեղծիւրներ դարբնողներին և ճշմարտութիւնը խեղաթյուրողներին»:

Պատին սեղմված դաշնակցութիւնը խորամանկում է և ձգձգում դատական գործը, բայց վերջիվերջո հաջողվում է Փարիզում կազմակերպել միջկուսակցական դատարան (սոցիալ-դեմոկրատների ու էսէռների ներկայացուցիչներից), որը հանգամանորեն քննում է «հարուցված մեղադրանքը» և 1911 թ. հուլիսի 20-ին լիովին անմեղ ճանաչում Սպանդար Սպանդարյանին: Հստ էութեան դաշնակցութիւնը մեղադրվում է զրպարտութեան մեջ, բայց պատիժ չի ստանում

³ «Սուրհանդակ». 1910, № 151:

⁴ Նույն տեղում, № 154:

⁵ ՄԼԻ ՀՄԿԱ, ֆ. 4006, ց. 1, գ. 272, թ. 4—5:

1. Նույնիսկ չի հոգում կատարված նյութական ծախսերը Այնումենայնիվ, ապահովված էր Սպանդար Սպանդարյանի բարոյական-քաղաքական հաղթանակը:

Սուրեն Սպանդարյանը, իհարկե, ընդհանուր առմամբ գո՛ւ էր այդպիսի արդյունքից, բայց նա զտնույթ էր, որ դա թիշ է և պետք է շարունակել դատական պայքարը դաշնակցության դեմ: Այդ մասին է վկայում հրապարակվող «Ում որ Զևար ուզում է պատժել՝ նախ խելքն է առնում» հոդվածը. որի տակ ստորագրված է «Տ.Պ. Ինչ խոսք, որ դա պատկանում է Սուրեն Սպանդարյանի գրչին: Քանի որ նախ՝ «Տ.Պ.»-ն նրա ծածկանուններից մեկն էր (այդպես ստորագրվել են նրա մի շարք հոդվածները, որոնք լույս տեսան «Կուրյեթ-կոպեյկա» թերթում) և երկրորդ՝ ինչպես վերնագրի դիպուկությունն ու սրությունը, այնպես էլ ողջ հոդվածի էությունը, լեզուն ու ռեճն անվերապա՝ ուրեն սպանդարյանական են:

Այդ հոդվածում շեշտվում է, որ միջկուսակցական դատարանը միաձայն հաստատեց Սպանդար Սպանդարյանի անմեղությունը և դրանում զարմանալի ոչինչ չկա, քանի որ իրականությունն այդպիսին է. «Որ դատարանը այդպիսի վճիռ պիտի տար, դրա մասին ոչ ոք էլ չէր կասկածում, որովհետև ամեն մի ոչ կույր մարդու համար էլ պարզ էր և ակներև այս ծանր մեղադրանքի անհիմնությունը, որ բարդում էին Սպ. Սպանդարյանի վրա: Ով ծանոթ է «Նոր դարի» խմբագրի թե՛ հասարակական-քաղաքական ֆիզիոնոմիային և թե՛ իրրև մարդու, այդ դարձելի անհիմնության հենց առաջին երևան գալու ըոպեին հասկացավ, որ այդ մեղադրությունը կա՛մ մի սարսափելի սխալ է, կա՛մ թե նախամտածված հրեշային սուտ է՝ թելադրված կուսակցական գծով շահերից»:

Սպանդարյանը շատ ավելի կարևոր է համարում մեղադրող կողմի՝ դաշնակցության, նրա պարագլուխների «այլանդակ պատկերի» մերկացումը: «Ամեն մի քաղաքակիրթ հասարակություն,— Լորտիակում է Սուրեն Սպանդարյանը,— պետք է յուր անողոր դատավճիռը տա մի այդպիսի կուսակցության վերաբերությամբ, որը իդեալականության դիմակի տակ իսկապես բարբարոս բար ցեխոտում և անմարտի միջոցներով ոտնատակ է տալիս մարդու և քաղաքացու անձնարարելի իրավունքը, որն ամենացայտուն կերպով՝ նեղ, կատարյալ գաղանալին բնադրենք իրավանքություն տալու համար, ծաղրում է ճշմարտությունն ու արդարությունը»:

Հավանաբար, այս հոդվածը Սուրեն Սպանդարյանի միակ ելույթն էր հոր հիմնադրած թերթում: Նա այդ ժամանակ այլ հնարավորություն չուներ: Ի դեպ, հոդվածը թեև քաղաքականապես հատու էր, խիստ հակադաշնակցական, բայց միաժամանակ զուսպ Սպանդարյանի կուսակցության ծառայությունների արձանագրման մեջ, որը բացատրվում է Սուրեն Սպանդարյանի աշխարհայացքով, ինչպես նաև նրա ընդհանուր ներքին կուլտուրայով (որդին չպետք է ավելորդ զեղումներ կատարի հոր նկատմամբ):

1912 թ. հունվարի սկզբին լինելով Փարիզում, Սուրեն Սպանդարյանը մանրամասնություններ է խմանում տեղի ունեցած դատական պրոցեսի մասին, հուսադրում հորը և քաջալերում նրա հակադաշնակցական գործունեությունը: Պրազայի կոնֆերանսից հետո Ս. Սպանդարյանը՝ Վ. Ի. Լենինի հետ միասին 1912 թ. փետրվարի սկզբին նորից է ժամանում Փարիզ, որ մնում է 3—4 օր: Հնարավոր է, որ այստեղ էլ նա հորը ծանոթացրած լինի Վ. Ի. Լենինի հետ: Կարծում ենք, այդպիսի տպավորություն կարելի է ստանալ թե՛ Վ. Ի. Լենինի 1912 թ. մայիսի 5-ի նամակից (Ոսկի Տեր-Հովհաննիսյանին) և թե՛ Սպանդարյանի մասին Կ. Կրուպսկայայի հիշողություններից:

1912 թ. մարտին Սուրեն Սպանդարյանը ձերբակալվում է Բաքվում: Այդ լուրը հասավ Փարիզ՝ Վ. Ի. Լենինին: Նա վշտացավ և մտահոգվեց իր ղինակցի ու կուսակցության խոշոր գործչի բանտարկության առթիվ, ուզում էր խմանալ բոլոր մանրամասնությունները և կազմակերպել հնարավոր օգնություն: Այդ նպատակով ապրիլի 22-ին Վլադիմիր Իլյիչը՝ Ն. Կ. Կրուպսկայայի ուղեկցությամբ այցելեց Սպանդարյանի հորը, որը գտնվում էր ծանր վիճակում: «Սուրենի հայրը,— գրել է Ն. Կրուպսկայան,— հիվանդ ծերունի էր, ապրում էր միայնակ և անխնամ, նա փող չուներ, նույնիսկ ոչինչ չուներ բնակարանի վարձը վճարելու համար, հիշողությունը նրան դավաճանել էր. նամակ էր գրում, բայց հասցեն մոռանում էր գրել: Իլյիչը շատ խղճաց մերկանում: Եվ Բաքվից էլ ուրախ լուրեր չէին ստացվում: Սուրենը բանտում նրուտած էր ծանր պայմաններում, ոչ ոք չկար նրա մասին հոգացող: Երբ մենք տուն եկանք, Իլյիչն իսկույն եկե՛ նամակ գրեց Ոսկիին [Տեր-Հովհաննիսյանին]՝ խնդրելով հոգ տանել երկու Սպանդարյանների մասին»⁶:

⁶ Ն. Կ. Կրուպսկայա, Հիշողություններ Վ. Ի. Լենինի մասին. Երևան, 1977, էջ 243:

Ոսկի Տեր-Հովհաննիսյանը հայ նշանավոր գրող Մուրացանի կինն էր, ապրում էր Գերմանիայում: Նա Վերդի Գրիգորի թղթակիցն էր և հարազատորեն կապված էր Սպանդարյանների ընտանիքի հետ: Ո. Տեր-Հովհաննիսյանը ակտիվորեն մասնակցում էր հասարակական իրադարձություններին և հակվեց դեպի սոցիալ-դեմոկրատական շարժումը: Ս. Սպանդարյանը 1912 թ. հունվարի վերջին Բեռլինում Վ. Ի. Լենինին ծանոթացրեց Ո. Տեր-Հովհաննիսյանի հետ, որից Վլադիմիր Իլյիչը ստացավ լավագույն տպավորություն:

Վ. Ի. Լենինը Փարիզից Բեռլին Ո. Տեր-Հովհաննիսյանին նամակ ուղարկեց (մայիսի 5-ին): Այն հագեցված է մարդկային մեծ կարեկցանքով ու ջերմությամբ: Վլադիմիր Իլյիչը գրում է. «Werte Genossin⁷, չգիտեմ, հայտնի՞ է արդյոք Ձեզ մի տխուր լուր մեր ընդհանուր բարեկամի՝ Սուրեն Սպանդարյանի մասին, որն ինձ Ձեզ հետ ծանոթացրեց Բեռլինում: Նա ձերբակալված է Բաքվում: Նրա կինը գրում է հորը, որ նրա մասին հոգ տանող չկա, որ նա անկողին, ունի շունի՞: Բայց ծանր և նույնիսկ «հուսահատական» վիճակում էր նաև հայրը՝ այդ հիվանդ ծերունին, որին դուրս էին քշում բնակարանից՝ վարձը չտալու համար: Տղան խոստացել էր փող ուղարկել, բայց ձերբակալման պատճառով չի կարողացել: Մենք, — շարունակում է Լենինը, — նրան օգնեցինք մի փոքր փոխավորված: Բայց և այնպես ես որոշեցի Ձեզ գրել: Հավանաբար, Դուք գիտեք Սպանդարյանին ծանոթներ ու բարեկամներ Բաքվում և Փարիզում: Արդյոք Դուք Բաքվում չգիտե՞ք որևէ մեկին, որին կարելի լինի գրել Սուրենի վերաբերյալ և խնդրել հոգ տանել նրա մասին: Հետո, եթե Դուք ունեք ընդհանուր ծանոթներ, շատ կարևոր կլինի հոգ տանել նաև հոր մասին: Ասում են, թե նա հարուստ որդի ունի եկատերինոզարում: Լավ կլինի, եթե Դուք նրան ևս եռանդավառ գրեիք, որ նա որքան կարելի է շատ փող ուղարկի հորը, որպեսզի նա կարողանա պարտքերը վճարել և մեկնել: Հուսով եմ, Դուք կանեք, ինչ կարող եք երկու Սպանդարյանների համար. և այդ մասին մի երկու խոսք ինձն՝»:

Կանկա՞ն չկա, որ Ո. Տեր-Հովհաննիսյանը, թեև ինքն էլ ապրում էր սուղ պայմաններում, կատարեց առավելագույնը իր հնարավորությունների սահմաններում:

Սպանդարյանի հայրը սփոփվեց Լենինի ու Կրուպսկայայի մարդկային վերաբերմունքից: Այդ մասին նա ապրիլի 24-ին գրեց Թիֆլիս՝ իրենց մտերիմ Բ. Շահպարտյանին և մասնավորապես նրան, որ «մի երկու լավ ոռու (Սուրենի ծանոթներից) այս վերջին շաբաթները փոխառությամբ ինձ օգնեցին»¹⁰:

Ժամանակները փոխվեցին, հալթանակեց Հոկտեմբերյան սոցիալիստական մեծ հեղափոխությունը: Բայց Սուրեն Սպանդարյանն այլևս չկար, նա մահացել էր 1916 թ. սեպտեմբերին Կրասնոյարսկում: Նրա հայրը՝ Սպանդար Սպանդարյանը 1921 թ. Փարիզից նամակ է գրում Վ. Ի. Լենինին՝ աջակցել իրեն վերադառնալու հայրենիք: Վլադիմիր Իլյիչը հուզմունքով է կարդում այդ նամակը: Ծերունու խնդիրը կատարելու համար նա հունիսի 11-ին հատուկ գրությամբ գրում է ՌԿ(բ)Կ Կենտկոմի քարտուղարությանը և մասնավորապես նշում, որ ինքը և կուսակցության կենտրոնի բոլոր աշխատողները Սուրեն Սպանդարյանին գիտեն վաղուց որպես «շատ արժեքավոր ու նշանավոր աշխատողի» և անպայման պետք է օգնել այդ «ալանավոր հեղափոխականի հորը»¹¹: Հարցը լուծվում է դրականորեն և կազմակերպվում է ամեն կարգի աջակցություն, այդ թվում դրամական օգնություն (ուղարկվում է 200 ռուբլի՝ ոսկով): Դրամախոսությամբ, հիվանդության պատճառով Սպանդար Սպանդարյանը չի հասցնում անմիջապես մեկնել և մահանում է արտասահմանում (1922 թ.):

Այս ամենը, կարծում ենք, ավելի պարզ են դարձնում հրատարակվող հոգվածի իմաստը: Այն ոչ միայն հարազատի արդարամիտ հոգատարության դրսևորում է, այլև, ու գլխավորապես, քաղաքական փաստաթուղթ, Սուրեն Սպանդարյանի հավատամքի ու մարտնչող հեղափոխական-նության ցուցանիշ:

Պրոֆ. Մ. Վ. ԱՐՁՈՒՄԱՆՅԱՆ

7 Թանկագին ընկերուհի:

8 В. И. Ленин. Полное собрание сочинений. Т. 48, с. 62.

9 Նույն տեղում, էջ 63:

10 ՄԼԻ ՀՄԿԱ, ֆ. 4006, ց. 1, գ. 548, թ. 1:

11 В. И. Ленин. Полное собрание сочинений. Т. 52, с. 272.

ՈՒՄ ՈՐ ԶԵՎՍԸ ՈՒԶՈՒՄ Է ՊԱՏԺԵԼ՝ ՆԱԽ ԽԵԼՔՆ Է ԱՌՆՈՒՄ

Սպանդար Սպանդարյանի հայտնի գործը վերջացավ, բայց միայն յուր սկզբնական շրջանում: Միջկուսակցական դատարանը միաձայն կայացրած իր դատավճռով հաստատեց, որ Ս. Սպանդարյանը որևէ ձևով ոչ մի մասնակցություն չի ունեցել քաղաքական լրտեսության գործում: Որ դատարանը այդպիսի վճիռ պիտի տար, դրա մասին ոչ ոք էլ չէր կասկածում, որովհետև ամեն մի ոչ կույր մարդու համար էլ պարզ էր և ակներև այս ծանր մեղադրանքի անհեթեթությունը, որ բարդում էին Սպ. Սպանդարյանի վրա: Ով ծանոթ է «նոր դարի» խմբագրի թե՛ հասարակական-քաղաքական ֆիզիոնոմիային և թե՛ իբրև մարդու, այդ գարշելի անհեթեթության հենց առաջին երևան գալու ընդհանուր հասկացավ, որ այդ մեղադրությունը—կամ մի սարսափելի սխալ է և կամ թեև սախամետածված հրեշալին սուտ է՝ թեևադրված կուսակցական գծով շահերից:

Մեզ իսկապես չի հետաքրքրում դատարանի վճիռը, որովհետև Սպանդարյանին ձևական կերպով անմեղ ճանաչելու մեջ մենք չէինք կասկածում: Եվ եթե շատ կարևոր է հասարակական տեսակետից մեղադրողների այն այլանդակ պատկերը, որ երևան եկավ այդ դատավարության միջոցին:

1910 թ. օգոստոսին «Դաշնակցության» կուսակցության օրգան «Դրոշակում» լույս տեսավ մի պաշտոնական հայտարարություն Սպ. Սպանդարյանի՝ Ոստիկան. Դեպարտամենտում ծառայության մասին, ընդամենը հայտնելով, թե այդ ստակալի մեղադրությունը հիմնված է «անժխտելի փաստերի ու փաստաթղթերի վրա», որ «արդարանալու ամեն մի փորձ զուր է», որ «կուսակցության նեմեզիդան կպատժի դավաճանին և պրովոկատորին»:

1911 թ. հունվարին Փարիզում, Բուրցեի բնակարանում, Սպանդարյանի և մեղադրողների հենց առաջին իսկ տեսակցության միջոցին պարզվում է, որ «անժխտելի փաստերն ու փաստագրերը»—այդ նախկին պահանջական Լ. Մենշիկովի բերանացի տված հայտարարությունն է եղել, որը հենց այդտեղ էլ, Սպ. Սպանդարյանին տեսնելով իր դիմաց կանգնած, հրաժարվում է իր մեղադրությունից, հայտնելով ողորդում Սպ. Սպանդարյանը, այն մարդը չէ, որին ինքը տեսել է 1904 թ. հունվար ամսում Ոստիկ. Դեպարտամենտում, և որ նա, որին ինքը համարում էր «նոր դարի» խմբագիր-հրատարակիչ, վերջինիս հետ ընդհանուր ոչինչ չունի և որ ցավալի թյուրիմացություն է առաջացել:

Դրանից հետո պետք է միջկուսակցական ձևական դատարան կայանար, որը հրավիրելու նախաձեռնողը պիտի լիներ «Դաշնակցություն» կուսակցությունը: Եվ դատարանում մեղադրողները պետք է իրենց վարմունքի մասին բացատրություն տային, ապացուցեին, որ թյուրիմացությամբ իրենց գործածը «բարեխղճությամբ է եղել»:

Զ ո Ր ս ա մ ի ս (հունվար, փետրվար, մարտ, ապրիլ) դաշնակցականների կուսակցությունը ձգձգում է իր խնդիրը՝ դատարան հրավիրելու մասին: Դատարանի առաջ երկու կողմից էլ Սպ. Սպանդարյանը և «Դաշնակցության» ներկայացուցիչը պարտավորվել էին՝ լուր մնալ և մինչև դատավարության վերջանալը ոչինչ չհաղորդել մամուլին:

Սպ. Սպանդարյանը իր տված խոսքը ճշտությամբ կատարեց, այնինչ ռուսական մամուլում՝ դեռևս դատավարության ընթացքում հաղորդվել էին սխալ տեղեկություններ Սպ. Սպանդարյանի արդարանալու վերաբերմամբ ինչ-որ դատարանով, որը կայացել է իբրև թե «Դաշնակցության» և այլ կուսակցությունների ներկայացուցիչներից, և առհասարակ որոշ հոգով ու մրտքով դիտավորյալ տեղեկություններ էին հրատարակում:

Բայց դրանք դեռ աննշան բաներ էին, որոնք միայն կիսով չափ էին պատկերացնում «հեղափոխական» Դաշնակցության ղեկավարների պատկերը: Երբ տեսան, որ ոչ մի կերպ չէր կարելի իրենք՝ Սպ. Սպանդարյանին մեղադրել, իրենց հեղինակությունը պահպանելու բարձրացնելու համար այդ պարոնները կանգնեցին մի նոր անազնվության առաջ—այդ «գործի» մեջ խառնել Սպան-

դար Սպանդարյանը ընտանիքը: Ապացույցներ եք ուղղում: Սակայն *Ի՞նչ հաղ-
կավոր են դրանք, քանի որ իրանք մեղադրողները «անձեռնմխելիությամբ»*
են պաշտպանված, ուստի և գործում են անեղկուղ...:

Վերջապես դատարանը դուրս բերավ իր դատավճիռը:

«Դաշնակցության» կուսակցության օրգան «Դրոշակը», պարտավորվելով
տպագրել իր մերձավոր համարում այդ վճիռը, չի տպում: Ի՞նչու համար:

Ահա հենց այստեղ է, որ պետք է սկսվի այդ հայտնի գործի երկրորդ շրջ-
անը,—Սպ. Սպանդարյանի դատը «Դաշնակցություն» կուսակցության դեմ:

Ամեն մի քաղաքակիրթ հասարակություն պետք է իր անողոր դատավը-
ճիռը տա մի այդպիսի կուսակցության վերաբերությամբ, որը իդեալականու-
թյան դիմակի տակ՝ իսկապես բարբարոսաբար ցեխոտում և անմաքուր մի-
ջոցներով ոտնատակ է տալիս մարդու և քաղաքացու անբռնաբարելի իրա-
վունքը, որն ամենաքայտուն կերպով իր նեղ՝ կատարյալ գաղանախն բնադդ-
ներին բավականություն տալու համար, ծաղրում է ճշմարտությունն ու ար-
դարությունը:

S.

НОВОВЫЯВЛЕННАЯ СТАТЬЯ С. СПАНДАРЯНА

Проф. М. В. АРЗУМАНЯН

(Резюме)

Выдающийся деятель Коммунистической партии Сурен Спандарян оставил богатое литературное наследие. В годы Советской власти была проделана большая работа по сбору и изданию сочинений С. Спандаряна. Но можно сказать, что не все его статьи найдены и вошли в сборники его сочинений. При подготовке монографии о Сурене Спандаряне в связи с его 100-летним юбилеем мною в армянской газете «Нор дар» («Новый век») от 24 октября 1911 г. была обнаружена статья «Кого Зевс хочет наказать, у того прежде отнимает разум». Она подписана латинской буквой S., т. е. одним из псевдонимов Сурена Спандаряна. Кроме того, язвительное заглавие, язык и стиль, содержание статьи неопровержимо свидетельствуют о ее принадлежности Сурену Спандаряну.

В этой статье С. Спандарян разоблачает клевету дашнаков в адрес редактора газеты «Нор дар»—его отца Спандара Спандаряна, представленного ими в качестве «царского агента». Межпартийный суд опроверг злостное обвинение дашнаков и полностью оправдал Спандара Спандаряна; на скамье подсудимых оказались сами дашнаки. Сурен Спандарян считал, что судебным процессом завершился только первый акт данного «шумного дела» и нужно продолжать решительную борьбу против партии Дашнакцутюн.